

ADRODDIAD I'R:	Pwyllgor Trwyddedu
DYDDIAD:	8 Rhagfyr 2021
SWYDDOG ARWEINIOL:	Pennaeth Cynllunio, Gwarchod y Cyhoedd a Gwasanaethau Cefn Gwlad
SWYDDOG CYSWLLT:	Uwch Swyddog Trwyddedu licensing@denbighshire.gov.uk 01824 706433
TESTUN:	Rhaglen Gwaith i'r Dyfodol 2022

1. PWRPAS YR ADRODDIAD:

- 1.2 Cyngori'r Aelodau ar flaenoriaethau'r Adran Drwyddedu, ynghyd â diweddariad ar y rhaglen waith a gytunwyd ar gyfer y Pwyllgor Trwyddedu ar gyfer y flwyddyn 2022.

2. CRYNODEB GWEITHREDOL

- 2.1 Mae blaenoriaethau'r Adran Drwyddedu yn adlewyrchu'r ddyletswydd a roddir ar yr Awdurdod mewn perthynas â'i gyfrifoldebau mewn perthynas â'i swyddogaeth drwyddedu a rheoleiddio effeithiol, rheoli a gorfodi trwyddedai, ac ymrwymiad yr Awdurdod i gymunedau diogelach a datblygu'r economi.
- 2.2 Oherwydd blaenoriaethau nas rhagwelwyd, bu'n rhaid diwygio y rhaglen Gwaith i'r Dyfodol a gymeradwywyd gan yr Aelodau yn flaenorol ac mae materion wedi'u hail drefnu i'w hystyried.

3. GWYBODAETH GEFNDIR

- 3.1 Bydd yr Aelodau'n cofio bod y Swyddogion wedi cyflwyno rhaglen gwaith i'r dyfodol oedd wedi'i ddiweddarau yn y cyfarfod diwethaf ym mis Medi 2021, ac fe'i cymeradwywyd. Roedd y swyddogion wedi trefnu i gyflwyno nifer o faterion wedi'u diweddarau i chi eu hystyried yn y cyfarfod hwn, ond oherwydd nifer o ffactorau, bydd materion o'r fath yn cael eu cyflwyno i chi mewn cyfarfod yn y dyfodol. Gellir canfod Rhaglen Gwaith i'r Dyfodol newydd yn Atodiad 1.
- 3.2 Mae swyddogion wedi cymryd y cyfle hwn i ddarparu diweddariad i'r Aelodau ar faterion a ddylai fod wedi'u cyflwyno i'r cyfarfod hwn fel y

nodwyd isod:

3.2.1 **Adolygu Datganiad o Bolisi Trwyddedu Cerbydau Hacni a Cherbydau Hurio Preifat**

Mae gwaith ar y gweill i alluogi Swyddogion i gyhoeddi dogfen ymgynghori ar Ddatganiad o Bolisi Trwyddedu arfaethedig ar gyfer y diwydiant tacsis yn dilyn argymhellion gan yr Adran Gludiant i weithredu Safonau Statudol sy'n cael eu cefnogi gan Lywodraeth Cymru, sydd wedi cynhyrchu polisi enghreifftiol i'w ddefnyddio gan awdurdodau Cymru. Mae'r ddogfen ymgynghori yn awr yn y camau olaf ac mae Swyddogion yn gweithio gyda Swyddog Ymgysylltiad Cyhoeddus y Cyngor i gyhoeddi'r ymgynghoriad drwy borth Sgwrs y Sir.

3.2.2 **Adolygu Datganiad o Egwyddorion - Deddf Gamblo 2005**

Mae adolygiad o Ddatganiad o Egwyddorion y Ddeddf Gamblo 2005 yn cael ei gyflawni ar y cyd gyda chwe awdurdod lleol Gogledd Cymru ac ar ôl cwblhau'r adolygiad, bydd Swyddogion mewn sefyllfa i gynhyrchu'r adolygiad arfaethedig ar gyfer yr Aelodau.

3.3.3 **Adolygu'r Polisi Masnachu ar y Stryd**

Bydd yr Aelodau'n cofio, yn y cyfarfod ar 23 Mehefin 2021, cyflwynodd y Swyddogion adolygiad drafft o'r Polisi Masnachu ar y Stryd. Yn y cyfarfod hwn penderfynodd yr Aelodau y dylid cymeradwyo'r polisi drafft ar gyfer ymgynghoriad a chytuno i sefydlu is-grŵp i ystyried y polisi ymhellach. Penderfynodd yr Aelodau hefyd y dylai'r Is-grŵp gynnwys y Cadeirydd neu'r Is-gadeirydd ynghyd â chynrychiolydd o bob Grŵp Ardal Aelodau. Yn anffodus, oherwydd y galw ar amser yr Aelodau, bu'n rhaid gohirio'r cyfarfod gyda'r cynrychiolwyr a drefnwyd yn wreiddiol ac mae'r is-grŵp wedi'i drefnu ar gyfer diwedd Tachwedd. Yn y cyfamser, mae gwaith yn parhau gyda Swyddog Ymgysylltiad Cyhoeddus y Cyngor er mwyn cyhoeddi'r ymgynghoriad drwy borth Sgwrs y Sir pan fyddwn yn barod i wneud hynny.

3.3.4 **Datganiad o Bolisi Trwyddedu - Deddf Trwyddedu 2003**

Yn y cyfarfod diwethaf ym mis Medi, awdurdododd yr Aelodau i'r Swyddogion ymgynghori ar ddatganiad o bolisi diwygiedig. Ers y cyfarfod hwnnw, daeth i'r amlwg nad yw'r polisi presennol yn diwallu'r gofynion hygyrchedd a byddai angen cryn dipyn o newidiadau sylweddol i'w newid i safon dderbyniol. Felly mae'r swyddogion wedi ystyried yr opsiynau ac yn credu bod cyfle yma, i ystyried defnyddio'r templed a ddatblygwyd gan awdurdodau Gogledd Cymru. Nid oes unrhyw wahaniaethau sylweddol i gynnwys polisi'r Cyngor o gymharu â thempled Gogledd Cymru ond mae'n fwy o achos o newid edrychiad a fformat. Felly bydd y swyddogion yn adrodd yn ôl i gyfarfod yn y dyfodol ar ôl

ymgyngoriad.

3.3.5 **Adolygu Ffioedd a Thaliadau**

Mae ffioedd a thaliadau ar gyfer gweinyddu proses drwyddedu tacsis wedi'u hadolygu a'u diweddarau ddiwethaf yn 2018. Er y dylid adolygu'r ffioedd hyn yn rheolaidd gohiriwyd y gwaith gan iddo gyd-daro â phandemig Covid. Yn ogystal â hyn, mae gwaith i weithredu system ymgeisio ar-lein ar y gweill a fyddai'n gwneud newidiadau o bwys i'r broses ymgeisio. At hynny, mae'r swyddogion wedi derbyn ceisiadau am adolygiad o ffioedd cerbydau hacni, a ddiweddarwyd hefyd yn 2018.

Mae'r swyddogion yn cynnig y dylid symud ymlaen â'r ddau adolygiad ochr yn ochr â'i gilydd ac ymgynghori â'r trwyddedai presennol ar y ffioedd a chostau ac adrodd yn ôl i'r Pwyllgor Trwyddedu yn y cyfarfod ym mis Mawrth.

4. **ARGYMHELLIAD**

- 4.1 Argymhellir bod yr Aelodau'n nodi cynnwys yr adroddiad ac
- 4.2 Argymhellir hefyd bod Aelodau'n ystyried a chymeradwyo'r Rhaglen Gwaith i'r Dyfodol diwygiedig a nodwyd yn Atodiad 1 ar gyfer y flwyddyn 2022.